



**IPIS-imik nuussinissamut tunngatillugu § 37 naapertorlugu Ilaqutariinnermut, Naligiissitaanermut Isumaginninnermullu Naalakkersuisumut apeqqudit akineqarnerat**

Asasara Aaja Chemnitz Larsen

Nuna tamakkerlugu innarluutilinnut sullissivik pillugu pilersaarutaasup ilaanut apeqqudigineqartumut pingaaruteqarluinnartumut qujavunga.

**Apeqqud 1: Innarluutilit pillugit Peqqussummut attuumassuteqartut nunatsinni qassiuppat?**

2015-imi marsimi kommunit sulianik suliarinnittarfianni Winformatik-imi innuttaasut 1635-it innarluutilittut nalunaarsorsimapput.

**Apeqqud 2: Innarluutit Pillugit Iisimasaqarfik Siunnersuisarfiutigisup IPIS-ip Sisimiunut nuunniarneqarnerani suna pingaarnertut siunertarineqarpa?**

IPIS Nuna tamakkerlugu innarluutilinnut Sullissivimmut ilaavoq. Aningaasaliinerit piginnaasanillu ineriartortitsinerup nunatsinni tamarmiusumi siammarneqarnerisa inuiaqatigiinnut iluaqutaanissaa eqqarsaatigalugu, kiisalu Qeqqata Kommuniata kommunimi innarluutilinnik isumaginninnermik ineriartortitsileruttornera annertusaaleruttorneralu eqqarsaatigalugit sullissiviup Sisimiunut inissinneqarnissaa toqqarneqarsimavoq. Taamaaliornikkut kommunit suliniutaasa aamma nuna tamakkerlugu suliniutaasut akornanni innarluutilinnut sullissivimmi kiisalu paaqqinnittarfinni pioreersuni suleqatigiinneq ajunngitsumik sunniuteqarsinnaavoq, tassungalu ilaavoq Gertrud Rask Minde.

**Apeqqud 3: IPIS-ip Sisimiunut nuunnerani suut iluaqutaassappat, suullu iluaqutaassanngillat?**

IPIS-ip nuna tamakkerlugu innarluutilinnut sullissivimmut ilanngunneratigut innarluutilinnut ataatsimut ilisimasat amerlineqartussaapput, tassami sullissiviup suliaanut sungiusaasernerit, siunnersuisarnerit, ilitsersuisarnerit, ilisimasat misilittagarilikkallu ilaammata. Nuna tamakkerlugu innarluutilinnut sullissivik taamaalilluni innarluutilinnut susassaqarfittut qitiutinneqalissaaq. IPIS-ip suliassai tamakkerlutik ingerlaannassapput, peqataanillu sullissineq annertusilluni.

Aaqjissuussaanikkut allanngortitsinermi suugaluartulluunnit, sumiiffimmiillu sumiiffimmut nuuttoqarnerani sulisoqarnermut sunniuteqartussaavoq. Tamannali

15. april 2015  
Suliap nr. SJ-STD-STOR  
All. Nr. 1926548

Postboks 260  
3900 Nuuk  
Oqarasuaat (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl



## **Nuna Tamakkerlugu Innarluutilinnut Sullissivimmik soqutigisalinnut isumasioqatigiisitsineq**

Matumuuna nuannaarutigalugu Nuna Tamakkerlugu Innarluutilinnut Sullissivimmik soqutigisalinnut Isumasioqatigiisitsinissamut aggersaavunga.

Nuna Tamakkerlugu Innarluutilinnut Sullissivimmik pilersitsisoqarnissaa politikikkut aalajangiunneqarpoq. Taamatut isumasioqatigiisitsinikkut Innarluutilinnut Sullissiviup ineriartortinneqarneranut pitsanngorsarneqarnissaanullu tunngatillugu soqutiginnittut akuutinneqarnissaat oqaloqatigineqarnissaallu, kiisalu innarluutilinnut tunngasuni nalinginnaasumik ineriartornerup sammineqarnissaa kissaatigaarput.

### **Sullitat**

Isumasioqatigiinneq innuttaasunut innarluutilinnut, innuttaasut innarluutilit qanigisaanut, innarluutilinnut tunngasuni soqutigisaqatigiinnut, kommunini sullissiveqarfinnilu suliamik isumaginnittuusunut, kiisalu soqutiginnittunut allanut ammavoq.

### **Sulianut tunngasut**

Sisimiuni Taseralimmi septembarip ulluisa arfineq pingajuanni qulingiluannilu isumasioqatigiittoqassaaq.

### **Nalunaarfissaq:**

Ataani atsiortumut kingusinnerpaamik 22. august ceru@na-noq.gl-imut mail-ernikkut peqataaniarluni nalunaartoqarsinnaavoq.

Inissat killeqarput

### **Pilersaarutaagallartoq**

Ulloq 1

Ullaap tungaa Tikilluaqqusineq

FN-ip Innarluutilit pillugit isumaqatigiissutaa Nunatsinni atuutsinneqalerpoq - tamanna qanoq kinguneqarpa?

Innarluutilittut inuuneq

Ullup qeqqata kingorna Innuttaasut innarluutilit qanoq oqaasissaqarpat?

Qanigisaasut qanoq oqaasissaqarpat?

Ulloq 2

Ullaap tungaa IPIS – kina? Suna? Sumi?

Innarluutilinnut Sullissivik

Ullup qeqqata kingorna Atuisartut siunissami akuutinneqarnissaat qanoq isumannaassavarput?

Inussiarnersumik inuulluaqqusillunga

Med venlig hilsen

Cecilie Rudbeck

7. august 2014  
Suliap normua 2014-102388  
Allakkap normua 1651965

Postboks 260  
3900 Nuuk  
Oqarasuaat (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl

Toqq/direkte 34  
ceru@nanoq.gl

innarluutilinnut sullissiviup aallartisarnernanut sunniutaasinnaasut ilanngullugu pilersaarusiorneqassaaq.

**Apeqqu 4: Maannakkut sulisorisat immikkut ilisimasaqartut, allanillu taarseruminaassinnaasut, IPIS-ip Sisimiunut nuunneqarnerani nooqataasinnaanissaat qulakkeerniarlugu qanoq iliuuseqartoqarsimava?**

Innarluutilinnut sullissiviup ineriartortinneqarnera kiisalu nuunniartoqalerneru pillugit IPIS-imi sulisunik ingerlaavartumik oqaloqateqarlunilu ingerlatsisoqarpoq. IPIS-imi sulisut suliamut peqataatinneqarput, nuunniartoqarneranullu atatillugu sulisorineqartut suliatiqut inuttullu killiffii eqqarsaatigalugit toqqissisimanissaq tusarnaarniarnerlu qitiutinneqarput.

2015 apriliimi aallarnerfigalugu IPIS-imi pilersaarusiortussamik atorfinitsitsisoqarpoq, taassumalu IPIS-imi suliarineqartut peruserineqartullu qitiutillugit uppersartussaavai, taamaaliornikkut IPIS-imi ilisimasat aqqissuulluakkamik suliarineqarnissaat qulakkeerniarlugu, tamakkualu innarluutilinnut sullissivimmi ilisimasanut tunngavissanut ilanngullugit.

**Apeqqu 5: Sulisorisassanik immikkut ilinniagaqarnermikkut piginnaassusilinnik pisariaqartinneqartunillu pissarsiniarnermut atatillugu qanoq ililluni kajumissaarinerit ingerlanneqassamaarpat?**

Pilersaarummi immikkut ilisimasalinnik sulisussarsiortarnermut ajornartorsiutaasoq isiginiarneqartorujussuuvoq. Nalorninarloq tamanna ilaatigut sullissiviup ammannginnerani sulisunik atorfinitsitsinissamut qaffasaanissamullu periarfissanik misissuinnikkut anigorniarneqarpoq, sulisussammi taakkorpiaat Kalaallit Nunaanni massakkut pissarsiarineqarsinnaanngimmata.

Nuna tamakkerlugu innarluutilinnut sullissivimmut atatillugu pilersaarusiornermi ingerlanneqartumi ingerlatsinermut sukumiisumik missingersuuneq sulissutigineqarpoq. Tamatumani sullissiviup suliatiqut siuttuunissaa, suliffittullu angusaqarniarfittut pilerinartuunissaa anguniarlugu qaffassaasoqarnissaanut aamma suliatiqut aqqissuussaannikkullu ineriartortitsisoqarnissaanut aningaasanik immikkoortitsisoqarsimavoq. Akissarsianut aningaasanik immikkoortitsisoqassaaq, taamaaliornikkut piffissami aalajangersimasumi innuttaasut sullissivimmiittut pisariaqartinnerpaasaannut ilisimasalinnik aggertitsinissaq periarfissinneqassammat.

**Apeqqu 6: Peqatigiiffiit nammeneq piumassuseqarnikkut pilersinneqarsimasut, sulinermik inuussutissarsiuteqartut peqatigiiffii/kattuffii imaluunniit allat attuumassuteqartut nuussinerup siunertaa pillugu oqaloqatigineqarsimappat, taakkulu suleqatigisat qanoq qisuariarsimappat?**

Ineqarnermut Naalakkersuisoqarfik aamma Ilaqutariinnermut Inatsisinillu Atuutsitsinermut Naalakkersuisoqarfik 2014 januaarimi workshoppertitsivoq, Peqqissutsimut; Naalakkersuisoqarfimmit, Ulloq Unnuarlu Paaqqinniffimmit Gertrud Rask Minde, Ulloq Unnuarlu Paaqqinniffimmit Ivaaraq, Ulloq Unnuarlu Paaqqinniffimmit Uulineq, Qeqqata Kommunianit, timikkut sungiusaasumit namminersortut IPIS-imiillu.

Innarluutilinnut sullissivimmik ineriartortitsinermut pilersarusiornermullu piukkunnarnerpaamik aallaaveqarnissaq qularnaarniarlugu workshoppertitsisoqarpoq.

2014 septembarimi IPIS-imit, kommuninit, ulloq unnuarlu paaqqinnittarfinnit kiisalu suliniaqatigiiffiit tallimaasut Inooqat, KTK, ISI, Sugisaq aamma KNIPK-kkut peqataaffigisaannik soqutigisaqartunut isumasioqatigiissitsisoqarpoq. Peqataasut pilersaarummut assut soqutiginnippot, apeqquteqartarlutik kiisalu pitsaasunik siunnersuuterpassuaqarlutillu. Sungiusarnerup pingaarutaa sungiusarnissamut pisariaqartitsineq malillugu pisariaqartitat eqqartorneqarput, suliamut soqutiginnittut nunalu tamakkerlugu innarluutilinnut sullissivimmut tunngatillugu inissisimanagerat siunissamilu sunneeqataasinnaanerat eqqartorneqarpoq. Isumasioqatigiissitsinermi innuttaasut sungiusarneqareerlutik angerlartinneqarnerani najukkami qanoq sullissisoqartarnissaa, sungiusaavillu qanoq isilluni innarluutilinnut susassaqarfimmik kivitsiniarsinnaanersoq kiisalu najugaqarnissamut sulinissamullu sungiussaannermik ingerlatsisinnaanersoq ernumassutigineqarpoq. Isummersuutit tamakku tamarmik pilersaarummik suliaqaqqinnissami ilanngunneqarput.

**7. Ataatsimeeqateqarnernit imaqarnilianik imaluunniit allakkatigut qisuariaatinik takussaasoqarpa? Taamaasimappat nassiuteqquneqarput.**

Programmi ilanngunneqartoq, soqutisaqartunullu isumasioqatigiissitsinemi tusagassiorfinnut nalunaarut nassiunneqartoq takoqquneqarput.

Inussiarnersumik inuulluaqqusillunga

Martha Lund Olsen



## Tusagassiorfinnut nalunaarut Pressemeddelelse

### Sisimiuni innarluutillit pillugit ataatsimeersuarneq

Ilaqutariinnermut Inatsisinillu Atuutsitsinermut Naalakkersuisoqarfiup innarluutilinnut tunngasut Nuna Tamakkerlugu Innarluutilinnut Sullissivimmum soqutiginnittunut 8. aamma 9. september isumasioqatigiisitsinikkut sammilerpai.

Nuna tamakkerlugu innarluutilinnut sullissivimmik, siunnersuinerup, ilitsersuinerup, pikkorissartitsinerup maanna IPIS-imit isumagineqartup saniatigut meeqqat inuusuttullu anertuumik innarluutillit nammineersinnaanerulernissamat sungiusarnissamik neqeroorteqarfiusumik pilersitsinermik Naalakkersuisoqarfiup suliaqarnera pillugu oqaluttuarnis-saq isumasioqatigiinnermi siunertaavoq.

Innarluutilinnut Sullissivimmik ineriartortitsinermik pilersitsinermillu suliaqarnermi innarluutillit kattuffiisa, kommunit, ulloq unnuarlu paaqqinniffiit soqutiginnittullu allat siusissuk-kut ilanngutsinneqarnissaat Naalakkersuisup pingaartippaa.

Peqataasut pilersaarummut soqutiginnittorujussuupput, apeqquteqartarlutik, kiisalu pitsaasunik siunnersuuterpassuaqarlutillu oqaaseqaaterpassuaqarlutik. Sungiusaasariaqarneq soqutiginnittullu innarluutilinnut sullissivimmum tunngatillugu inissisimanerat siunissamilu akuusinnaanerat eqqartorneqarpoq.

Innarluutilinnut Sullissivimmik aallussinerujussuaq soqutiginninnerujussuarlu Ilaqutariinnermut Inatsisinillu Atuutsitsinermut Naalakkersuisoqarfiup nuannaarutigeqaa.

Inussiarnersumik inuulluaqqusillunga

Cecilie Rudbeck  
Toqq/direkte 34  
ceru@nanoq.gl

15. september 2014  
Suliap nr. 2014-102388  
All. Nr. 1696076  
Postboks 260  
3900 Nuuk  
Oqarasuaat (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl